

3078.2  
3102

燕行備覽  
單

BERKELEY  
LIBRARY  
UNIVERSITY OF  
CALIFORNIA



己酉七月二十五

日始作

Carpenter



燕行備覽

序

意君才不空而知天下之事豈非以聞見之博乎  
東人之冒謫淹博者何限而樂於天下之事寧皆墮  
遠而忽近詳前而略後烏在其為通古今之士者乎  
清朝之主中國已百有餘年衣冠文物雖異於中華  
然大抵職官政令小而宮室園囿多仍於皇朝之舊  
而歲歲或使之往來也其所紀聞而紀見者不過自  
鴨綠至燕京數千里間道途之經歷虛實之見聞而  
此亦不能盡擇以歸何其覘國之不善也余竊慨然



思欲蒐輯其案事實蹟茲前人之未盡資治學之堪  
信者久矣是年冬適值歲作之行日念所精未棄之  
前必欲採摭成書庶不至於茫昧之科其而潛笑如  
夫舉天下之事蹟則此一書殆未能窮披而力讀而  
向也強加敷衍贅立捏虛得罪於真正博識之君子  
也哉

歲昭陽赤奮若之社九月上浣  
涖居子書于白嶽山下  
白塔村之留舛



燕行脩覽

路程記

高陽碧蹄館

四十里

宿

坡州坡平館

四十里

長端臨湍館

三十五里

開城府太平館

四十五里

宿

金川金陵館

白川海州

四十里

延安谷山

六十里

宿

平山東陽館

遂安信川兔山

三十里

慈秀寶山館

載亨新溪

五十里

宿

瑞興龍泉館



劍水鳳陽館

敦粟文化長連

四十里

鳳山洞仙館

長洲松禾

三十里宿

黃州齊安館

安岳豐川

四十里宿

中和生陽館

祥原三登觀山

五十里宿

平壤大同館

龍崗

五十里宿

順安安定館

成川慈山

五十里宿

肅川肅寧館

咸從江東

六十里宿

安州安興館

三和江西

六十里宿

嘉山嘉平館

永柔殷山

五十里宿

納清亭

二十五里



定州新安館

順川德川

四十五里宿

郭山雲與館

雲山

三十里

宣川林畔館

寧遠

四十里宿

鐵山車輦館

价川

四十五里

龍川良策館

泰川博川

三十里宿

所串義順館

義州

四十里

義州義順館

龜城朔州

三十五里宿

自京至義州共一千六十里

鴨綠江

五里

九連城

二十里宿霰處



金石山

三十里

中火

慈秀

三十二里

露宿

柵門

三十三里

自鴨綠江至柵門

一百二十里

鳳城

三十里

乾者浦

二十里

中火

松站

二十九里

宿

八渡河

三十三里

通遠堡

三十里

宿

甯洞

二十五里

中火



連山関

三十里

中火

甜水站

四十里

宿

狼子山

四十里

宿

冷井

一名王八台自此至際廣野

四十里

中火

映水寺

舊遼東白塔

三十里

宿

爛泥堡

二十八里

中火

十里堡

二十七里

宿

白塔堡

四十里

中火

瀋陽

盛京奉天

二十里

宿

自柵門至此四百八十九里



过城 筹路始此

六十里

孤家子

二十二里

中火

周流河城

自此向西南行

十五里

宿

大黃旗堡

三十二里

中火

白旗堡

三十八里

宿

一板门

三十里

中火

二道井

二十里

宿

新店

三十里

中火

小黑山

中間烟全始没

二十里

宿

中安堡

三十里

中火



新廣寧

三十九里 宿

閭陽驛

無標屋始此

四十里 中火

十三山

四十里 宿

大凌河

二十五里 中火

小凌河

三十里 宿

松山堡

十二里 中火

高橋堡

三十六里 宿

連山驛

三十里 中火

字遠衛

祖大壽牌樓 嘔血

三十里 宿

沙河所

二十九里 中火



東關驛

二十八里 宿

中後所

十八里 中火

凉水河

四十二里 宿

中前所

四十五里 中火

山海關

望海亭將臺。天下第一關

三十五里

自瀋陽至此七百七十六里

鳳凰店

四十五里 中火

榆關

三十五里 宿

替陰堡

四十三里 中火

永平府

古右北平射石

四十四里 宿



野鷄屯

四十里 中火

沙河驛

二十里 宿

榛子店

五十里 中火

豐潤

五十里 宿

沙流河

三十九里 中火

玉田

四十里 宿

峰山店

三十五里 中火

薊州城 卧佛寺

四十五里 宿

邦均店

三十里 中火

三河縣

四十里 宿



夏店

三十里 中火

通州

四十里 宿

大王庄

二十二里 中火

朝陽門 皇城

二十里

自山海關至此六百六十八里

蓋自京至義州共一千六百里自鴨綠江至北京

二千五十三里通合三千一百一十三里



燕行脩覽

湯站

湯站之設始於皇明而自丙丁以來不復理關東事  
站始廢而但有舊址

唐太宗東征處

安市城

渡鴨綠江入柵十餘里始過鳳凰山下有一坡垞古  
城之基此所謂安市城也或云此是唐太宗駐兵處  
所而安市則別在於復州之海邊云○或云太宗東  
征有曰城主姓名乃梁萬春云而既不能目覩其書  
不敢保其必也唐宗傷目之事史牒元無所紀而高



麗名臣李穡貞觀詩曰謂是秦中一物耳邠知玄花  
落白羽先正金公宗直以此詩錄於青丘風雅註以  
為穡遊學中州豈有所聞耶徐四佳詩話亦曰其時  
史官必為中國諱毋怪乎其不表見云云

### 鳳凰城

蓋朝鮮界濊地也正以史記隋煬帝時遼東浪死譚  
見之此地之屬於我界無疑然則乙支文德之敗隋  
師必當在鴨江以西而今乃以安州之清川江為濊  
水者何所據也及李勣薛仁貴滅高句麗執寶藏王  
而歸也鳳城始為中國之地置安東都護府其後開



元中封大氏於遼東為渤海置五京以此地為東京  
龍原府遼金元皆仍之至皇明始稱鳳凰城設兵  
鎮守而崇德中自通遠堡移鎮于此故盛京誌稱鳳  
凰城形勝有曰龍原故京白崖峻隘外控鴨綠內屏  
留都乃瀋陽也蓋此地西南則迫於海金海二州之所交  
錯而與我國之宣沙浦隔海相望東北則直連白山  
之西踞一脈亘與京盛京之交餘支散而為八站  
以東諸山而其中一踞直北則通于盛京正西則通  
牛家庄舊遼東南則通于我粵是誠彼我二粵五一  
大緊要處也地志且云鳳城東南至鎮江一百二十



里東至潁江二百二十里而皆我旺之界云以地勢  
揣之鎮江似在義州之越過潁江似在昌城朔州之  
越邊而義州之人指馬耳山之東五龍亭之北以為  
鎮江者恐是臆說

松站

鎮東堡舊址一稱薛里站

畚洞

一云艸河溝卽我孝廟北轅時自瀋館到此御製  
調詞歌曰青石嶺過乎草河溝此也胡風冷又冷陰  
雨何事誰模吾行色寄君所在此曲至今或流傳



阿彌庄

此地蓋遼野初頭自瀋陽西杳無涯際不見半點丘陵寒葦大蓬極目彌漫

新旧遼東

旧遼東乃皇明巨鎮置巡撫北扼衝楊璉態廷弼先出守此城池井閤規模措置今猶可見新遼東卽清人初覘遼時距遼十里許築城而屯卽此地也城下有河名太子世祿燕太子丹走死於此水故名之或云是河實名塔子漢音塔音太故云然未知孰是

白塔



俗稱華表柱○塔之北有一寺扁以廣祐建前有斷  
碑二片苔蝕字剥終不可卞尋其現在文字蓋自東  
漢時已有此塔唐太宗東征時命尉遲恭重修而清  
天聰中更加葺築云而不能細考其初建始末可恨  
以此塔指為華表柱者出於何人所記考之盛京仙  
釋志曰丁令威時代無考學道於太平府靈波山後  
化鶴而歸集於華表柱上作歌云云此譌載於晉張  
華所紀則可知其為漢以上事而遼東古蹟志云古  
鶴野縣以丁令威化鶴名也在今遼州城西八十里  
云一統志曰柱在都司城內鼓樓東旧有石柱湮沒



有道觀廢為倉舍云且曰白塔寺舊名廣佑寺在都  
司西北二里而內有石塔云然則塔与柱分明是二  
物而今乃混而稱之者何也問於遼人則皆曰不知  
且前後遼東誌文與詩並無此語無乃我東也人習  
聞華表之在遼東而適見白塔之亭二高立錯認為  
柱以訛傳訛至今流傳邪此雖近於常星之辨而亦  
係稽古之一事今之奉使而過遼者不可不知故略  
為之記城之築未知肇於何代而始以甃等清太祖  
之自建州而起也拔此城移築於隔河之東其間僅  
十餘里簇立萬騎其編如簣其次如鱗拔甃移運馬



上遼傳勢如風雨一夜之間屹然完等故稱為馬上  
城其兵力之壯制事之捷槩可矣天會六年自建  
州遷都號曰東京今設城守故城則卽今所餘不過  
土垣之崩記者蒼蘼蕭瑟滿目傷心若使丁令盛今  
日而見者其所以歔歔歎息不但人民之非其可曰  
城郭之依舊邪新遼東城外有大川卽太子河下流  
俗稱燕丹所亡匿處河邊一高阜名駐驛山卽唐太  
宗屯兵之所也若自冷井直向新遼東則過此山渡  
此河云云

興京



在於遼野東北卽漢挹婁故地而隋唐間屬於高麗  
皇明置建州衛發跡於此寢以盛夫故尊為與  
京設城守置提管以奉永陵仁在開運山下奉肇祖  
與祖景祖顯祖四帝廟卽清朝之四廟也考之輿地  
驗以地圖老城在其南八里高麗城在其東一百二  
十里云所謂高麗城未知的指何處其與我界至近  
可知老城卽滿人之本土云此必是滿洲之地

邪泥江

一名混河城中有察院院廢或傳此館卽孝庙北  
轅時淹卹之所云而無可證之明驗



瀋陽

蓋此一府即清皇自建州下首先奠業之地卽倣元  
朝之上都而地勢處於廣漠之原其北則蒙人境界  
其東則自開原出過兩厯烏喇船廠抵寧古塔為一  
千三百餘里其西則泛山海關抵燕京為一千四百  
餘里至於我界自遼東越東八站取鳳城踞則抵義  
州為五百餘里若自與京出鑿河邊門取牛毛嶺踞  
則抵昌城界不滿四百餘里故曾前我師之西渡丁  
卯清師之東出也皆以此踞往來然則瀋陽之之於  
我國宗是隣邦之最密通者而雖謂之呼吸相關可



也今則清人方據中土故關東姑無事變萬一清人  
窘迫迸出而據之蒙人桀驁或橫逸而占之則其所  
以威喝力脅者必將最先於我國

瀋陽內設直官方軍政田政

城中設宦關府署一倚燕都置都統將軍一員其位  
一品而多泛閣中出其下又有知府知縣戶禮兵刑  
工五部御史部司馬蓋都統掌兵事知府知縣掌民  
事五部掌文書故也 軍政清人之於此土亦他日  
依歸之所故制法極其寬緩一以得民為務上自都  
統皆有丁銀以贍其衣食其田政則一頃之稅民則五



升黃豆一束草更無擾民之事雖役民一日一日亦  
為八分銀子云

貢路迂回

大抵自入柵到瀋陽則皆直北而行到此以後始復  
或西或南其間迂回不啻累百里蓋聞皇明成化中  
我國請改貢路自鴉鶻關疑即今松鶻山出遼陽徑廣寧歷  
前屯而入山海關迂回三四大鎮此祖宗朝微意若  
自鴨綠江直抵前屯山海大路恐貽他日憂卒不許  
云然則遼陽以西其有沿海捷路可知  
自瀋陽至山海關與蒙古相通路有三



一曰錦州口二曰廣寧口三曰薊州口而廣寧口最近瀋陽不過百餘里薊州口又自關路直通北京尤為捷徑云

松山杏山四戰場

此地之間乃是酣戰之處或全軍敗沒或舉村屠滅至今猶有殉節紀蹟之碑碑上書以萬古流芳而名字漫漶不紀姓名又有塔山所亦舊戰場

烟燉

自小黑山以西至于山海關之東或十里或五里有皇明時烟燉錯落相望其高幾近十丈四圍削立如



鉄而其中厯不過容藏數十甲兵只堪為瞻望之所  
若使此全列築於海嶠之間與步倭之挾銳睥睨者  
進前退據猶可得力而若以此一片拳大之墨羅絡  
十里平原欲以綴風馳電邁之騎則不幾於螳臂  
之拒轍而一墩之築動費千金明季之関外財力  
幾盡蕩耗於此識者至今恨之此即戚繼光所等戚  
是浙將長於防倭短於防故方其在南也號為名  
將及夫遼瀋之戰遂致大衄蓋所用非所長而至於  
我東兵書則專以兵學指南為重是書即繼光浙戰  
之遺法也所以詳於操略於陸戰而我國則凡於



陸教鍊之際一用其制

寧遠

自瀋陽以西至寧遠以東可為

里之地而卽

天啓崇禎間三十年百戰之場至今山川歷歷壁壘  
森森~~森~~蓋李成樞父子之初鎮遼瀋也特緣廷議之  
未嘗掣肘得以展布支體飛騰戰伐而及夫黨議橫  
歧朝令多門楊鐫以諛見戮而廣寧陷孫承宗枉殺  
而錦州破袁崇煥冤死而寧遠覆自此以往遼事遂  
無可為也史臣所謂明朝之過將不死於封疆而死  
於門戶者儘是哀痛語也畢竟吳三桂之開門納



仍以為今日之域中者雖曰天運之所關實亦人謀  
之不減甚矣黨禍之謬人家旺也城中有一瘦石門  
對峙其層級之窳我斃斲之奇巧殆若鬼運而神鏤  
此即祖大壽大樂牌樓也方大壽兄弟之受命出師  
也皇朝將欲務悅其心不惜萬金之費竊此二樓此  
事已極浮夸而大壽兄弟亦安而受之只謂鋪張功  
伐可以誇耀一代殊不覺萬年之臭與石而不泐儘  
可哀也唯彼大壽之屈膝薙髮固難免古今之唾罵  
然錦州掘塹三載長圍亦不見嬰城之久而終使之  
無糧可繼無兵可援不免為降俘則當時廷臣之主



事者亦安得不受其責也。只此一事三戒存焉。後之人所當惕心者。如袁崇煥之忠勇而無諱戕害。使如祖大壽者代而將之。朝廷用捨如此。國安得不亡乎。至若杏松塔二堡守將戰最有力。屢年相持。與城同破。尚憤其堅守屠戮之慘。至及鷄犬樓櫓塙堞一片靡完。往往沙場尚有埋骸。其守將姓名或云盧尚昇。尚賢而亦未詳。如此人者。以丰大孤城抗百萬日滋之衆。畢竟辛苦一死報國。而生前則君王不識何狀。死後則史策不傳其跡。豈不重為之慨惜。蓋城池人民雄於閩外。崇煥嘗破衆於此城。尚憤袁歐。



血而死至今城外高岡有一墩臺相傳為嘔血金云

附祖大壽牌樓內外二樓皆四柱三門而中門高大兩夾稍低皆用一柱立之如我國迎恩門也外樓上層南北皆豎刻王音二字中層北橫刻元勲初錫南刻登壇駿烈其下層刻祖氏四柱官誥姓名中門兩柱內則西刻松壇如新慶善培于四世東刻琳瑯有赫貴永譽于千秋外則東刻桓桓與歌國依干城之重西刻綏綸錫寵朝隆銘鼎之慶內樓上層北刻廓清之烈南刻貞忠胆智中層內外皆刻四世元戎少傳七字



下層又刻祖鎮祖仁祖承訓祖大壽四世官誥  
姓名外樓用赤石內樓用白石

大凌河四同碑

當在字遠上

行十里有四大碑立在荒波蓋萬曆中命朝臣王承  
宗王平相繼出鎮於此地脩禦

此其勅諭之辭

也顯刻密然而每碑輒擦去二字掃之是清人恥其  
舊稱而削去也自此至山海關有錦州衛松山杏山  
塩山諸鎮皆百戰餘塲崩城敗壁斷柳枯蒿一望蕭  
然助人悲慨

土鎮廟



廟在醫巫閭山下蓋瀋野盡於此而有是山橫亘百  
餘里截限蒙古地界望之極其雄峙皇明成祖皇帝  
開都燕京建廟祀岳神大加崇奉清人尤為用力修  
補宏侈甲於天下

### 醫巫閭山

歷入北鎮廟則乃是醫巫閭之正麓而自虞舜時封  
十二山十二州之鎮此山幽州之鎮也仍載歷代祀  
典至遼始建廟崇奉皇明亦為增飾雍正皇帝當康  
熙末年以王子祭福陵歸謁宿此仍得異夢未幾遂  
陟大位以為灵應即捐帑銀數萬鉅大加修葺



高麗堡

當在豐潤之下

丁卯丙子以後我國人民被俘北遼者自成一落而居因以高麗名其村當初我使過父老或有感涕相送者今則世久胄遠無有知其卒者清人設禁於農民使不得治水田或水旱不適則易於德期失稔故禁之以是自遼抵北京皆事田農而狃此高麗村下有稻田若干頃亦我國故俗也此乃漢末田疇所隱之地而縣之北山曰無終其上有燕昭王塚云

姜女廟

望天石附

在八里堡有姜女塑像庭有五石碑而皆記其失夫



范即赴長城之役而久不還姜女登山告望之事也  
廟後有岩石厝起刻以望夫石三字身化為名之說  
雖是好事者竊傳而登臨岩上則西指長城雉堞連  
雲東臨大海島嶼依微

山海關

望海亭

將皇

關之第二関揭天下第一関五字世傳為李斯之筆  
而第想秦時既無隸字跡而此関之築乃皇明徐達  
之所經始則其非李斯之筆可知矣蓋此関處於山  
海之交堞濠之重人民之稠宜稱為第一関防而彼  
吳三桂者不勝一時之憤妄生驅虎除狼之計遂使



神州陸沈百年志士之嘆庸有其極而山河城池之  
不足恃者於此亦可見矣三桂之方邀清兵也清人  
疑其有謀不肯輕入使三桂毀城一角而納之其缺  
處至今不築任其崩圯開門楣上有畿左金湯翰屏  
神京字皇朝舊題

### 望海亭

從南門出緣城而行過十餘里入一石門眼累忽覺  
通豁三面皆海長海一角薄海始窮而當其風濤盪  
射之衝以銅鑄鑄如阜上等子城半日形凡三級而  
始接山崖就其頂上立二層彩閣即所謂望海亭也  
扁以海潤天高四大字逌登樓四望略以地勢指點



而審之中國之東海我東之西海以陸路較量彼此  
相形則其間約不過數千里而義州三江與遼東之  
旅順口相接若以舟楫泛過此亭之下進泊於北直  
隸之天津衛則其直如弦而此是海水濤濤之處故  
水勢雖似稍緩然朝天門疏猶稱險艱至於全羅道  
以下耽羅州即蘓杭相對之地而又其下入福建  
之界也海水到此愈遠愈闊峻浪怒濤天無壁而  
其中限以水皆歸水也故雖商舶漁舡絕無來往而唯  
登萊二州斗絕而東入海中幾亘千餘里其對過乃  
我國湖西畿甸之間而其水疏之近此他處殆減其



半旦我國畿湖二道島嶼相錯木道易闕而狃海西  
沿邊之處茫茫海邑崖岸無阻唐舶之出沒去來多  
在於此其勢因然而我國之舡人舟子則不曾有越  
採於西洋故一帶風濤之外亦不知為何島何界則  
其道里之幾許險夷之如何尤何知之極可慨然緣  
城南下有海王廟關以內沿途設鋪如亭障之制塗  
以白灰施以綵画上豎旗竿前列鎗刀輒有數卒守  
護而蓋自燕京至関每十里設一鋪中藏兵械而甫  
古二負甲軍五人步軍三人各率妻孥衣番伺察非  
常二朔而一遶稱之以為馬鋪全且州縣及各站皆



有甲軍及里正專掌譏察互相提告此所以關內外  
數千里行旅野宿而能免剽劫之患者也

### 將全

全以甃環築其高幾數十丈環其中四面設二十四  
凹處以為藏兵避雨之所四面皆設石梯攀援可上  
而北臨長城南俯大海東指遼野西瞰關內如示掌  
紋可謂壯觀也在關之東偏

### 山海關內官負

關內居人戶可數萬餘戶有副都統城將千總把總  
亦官領兵而有清兵五百人有通判屯田等官治民



而稅官則只管搜檢收祝云

城中又有園寂廟大聖廟

### 望海亭內懸板碑刻

亭是皇明時所新建有兩碑一刻瀚海奇觀四字而  
明人范克之筆一刻一勺之多四字明人朱永基  
之筆至於門楣所書海闊天空四字清將重初時所  
揭也臺下又有古碑書以天開海三字此乃不知何  
人所書也城外新初雍正願堂頗侈麗

### 烟臺守軍月料

每臺有烟軍五人告馬二匹如我國撥馬而人每名  
月給米六斗銀二兩馬二匹歲給銀二十二兩与君



處地方軍卒一般

榆関

秦時蒙恬種榆為塞故至今仍以爲名関云云

昌黎縣文筆峯

在撫寧縣平野團園林木扶疎令人頓覺心目開朗  
其峯炎削双峙者為兔兒峰即撫字之主山也其三  
巒削立者即昌黎縣之文筆峰也世傳韓愈毓精之  
所云蓋撫寧即一小縣而其夾道左右或樹牌樓或  
懸門榜其官閭貞烈輿耀照目始知地靈人傑非虛  
語也



永平府

此地即漢之右北平唐之盧龍也李廣之守此地也  
夜出獵見艸中石以為卮也挽弓射之沒鏃諦視則  
乃草中石也更射之不能入漢書卒傳載其事而今  
存之塊然一石相傳以為李飛將射卮石云

夷齊廟

在滦河有清風全蓋滦河一帶遠自盧龍縣苑林口  
發源而來勢若弓彎抱全而轉而去而其清可鑑非  
北方諸河之比蓋之上下岩石層疊遶宇蕭洒俯仰  
想像令人有廉頗立懦之意蓋燕路繁酆之觀瑰奇



之賞實多有之而若論其清冷蕭瑟幽閒雅曠之趣  
則以清風臺為第一雖廁之於我東山水之間恐不  
易得也山北之村茂木皆從此流作筏而下轉入  
於天津街日供燕都宮屋之需云夷齊廟一名清節  
祠所謂孤竹山即一土山之巔有荒畝廢址俗傳為  
孤竹君舊城云云由山下逶迤尋蹊行百餘步有小  
城石門由門而入儼然有一座大廟正堂設榻有兩  
位塑像袞冕章服用王者儀面只白哲眉帶愁痕堂  
外有左右廊之後有揖遜堂設數十層梯階緣階步  
步上則有清風臺翼然於山頂一帶滦河縈行圍繞



蕭洒清絕令人有羽化之意滌河北岸有孤竹君祠  
迹下古碑四五皆是歷代帝王致祭贈封之詞門楣  
堂扁並有廉頑之儒等題字壁上有古今人詩板石  
刻廟之西有小寺僧徒居焉蓋此山孤竹舊墟而首  
陽山在其西不甚高大

豐潤

當在高麗壁之上

此地濱海故有越支塲鹽課司故以豐潤名縣

玉田

城北有雍伯種玉之田蹟故仍為縣名蓋豐玉二縣  
即皇明朝士人之鄉其鄉左左右右石碑木榜雕絡相



望或標其官閥矜其才行疇昔文儒之盛槩可想矣

薊州

州即古漁陽城中有獨樂寺寺有卧佛立佛二金軀  
各極其絕竒層樓亦甚宏麗矣薊門烟樹為燕京八  
景中第一竒觀而非烟非霧或現或隱浩蕩汪洋千  
態萬狀不可名狀城西门外行踪过有所謂安祿山  
墓停設貴妃塚

盤山

蓋山有三層上盤以松勝中盤以石勝下盤以水勝  
然而三盤之勝比之我東不足為上品但一山皆外



骨內膚故望之乃維岩峯列立而至於石縫岩竅  
少有土氣則皆抉出闢發而最直於果木若當秋深  
霜落之後則班梨红柿款棗紫栗垂枝壓林累累相  
結其堆積於落葉之中者不可勝收云環山上下遍  
栽李杏不知其幾萬樹而春夏之交則盛開而或紅  
或白爛熳叢欒如鋪十里錦漳穿過其中香氣撲衣  
此乃唐李愿之盤谷而纔入洞界腥在隔絕靜僻蕭  
洒即一別區轉入山底田農爲業左右山麓前後岩  
谷無數桃李一掃吐萼其他杏栗雜立成林依然如  
入桃源界中作蹠則自薊州東北行十餘里即是山



通州 附石橋

通之為名蓋取通漕之義縣之南北東三面皆環以  
水舟車之所輻湊如我國之法城門以畿東重鎮揭  
額城郭市肆極其繁麗○大光樓卽漕舡點考之廨  
也春江始泮水意洋洋對岸之下平沙曠莽烟柳蔥  
籠舟楫連江鷗泛鷺浴心目爽朗緣江縱視則千章  
之木萬竿之竹處處成堆其餘百物莫不炫目最是  
磁甃之青紅黃白種種奇巧而簞裹繩束雲委山積  
爛熳可異蓋一城周圍殆九里而城之三面臨水建  
設四門東曰通運南曰迎薰西曰朝天北曰凝草又



等新城設二門南則扁曰望帆雲表西則曰尺五瞻  
天○張家灣在於新城之南通敞為一州最

石橋

一名八里橋

雍正年間以皇命伐石等路逢齒整齊其廣可馳五  
馬其直如弦其平如紙望之如鋪白練夾路左右皆  
種楊柳疎密長短皆有尺數少不參差而不但此一  
路而已皇城四面直踔皆然云是橋城外八里設石  
橋極高大號曰八里橋下通漕船直抵北京而通州  
倉舍等塙改塙俱極浩大以是漕運穀物之分儲運  
入而自此水淺難於運舡故六處貯水次次移載小



船入去而皇城外亦有大倉云矣又行四五里有二層黃閣立石碑或云是康熙皇帝所嘗駐驛之所或云雍正頌德之碑

東岳廟

卽祀秩岱嶽之神殿宇宏遂廣大凡祀神一千七百四位

京城

周四十里門九南正陽南左崇門南右宣武北之東安~~定~~北之西德勝東之北東直東之南朝陽西之北西直西之南阜城朝陽一名順成阜城一名平則



# 皇城

在京城周十八里有奇 外城包南面轉抱東西  
角樓長二十八里門七南永定左曰左安右曰右安  
東廣渠西廣寧東隅曰東便西隅曰西便

## 城池之制

制以麗累等內外如削每百雉各設瓮級設門以限  
之可上而不可下故守兵有團束之心城上置鋪為  
藏兵儲穀之所下置槽木盛水自城上懸轆轤而汲  
之故飢渴者有可濟之便呼吸有閑通之勢矣其城  
基據平地要衝之處蓋險夷之可擇故人心有致死



之所矣至若我國之城子則多捨大路而就深僻務  
濶大而不堅牢櫓塹無制登降無常只堪為居民避  
亂之所而無益於阻亂制勝之方者矣夾禁城之東  
西有宗廟社稷蓋遵先王右廟左社之制垣其境觀  
甬松栢蕭杰六部百司分列於廟社之外而西園在  
於紫禁之北

壽皇亭

在於禁城之北卽崇禎皇帝殉節之所也令人俯仰  
悲憤不勝潸潸

太液池



在於壽皇亭之西緣池左右層樓曲亭流丹結翠遼  
金元明一一增飾窮奢極侈不可殫記興亡滾々如  
閱蓬萊不旋踵間慷慨係焉始池知夢鍾鼓之樂只  
供一時之娛戲而反為千載之嗤笑可不戒哉街坊  
市肆之繁華正陽門內外最為第一

都城內外門建置年代及月城門樓時存當在

德勝安定阜城西直朝陽東直正陽崇門宣武等之  
門卽內城之九門也皇明永樂中建宮時所築也至  
嘉靖間又等重城於正陽門之南建七門南曰永定  
左安右安三门東曰廣渠西曰廣寧在城東西隅而



北向者二門曰東便曰西便此外城之七門也其城  
門各有月城及門樓一座月城外面各有鼓樓而三  
面開擬門內外城如之甲申流賊之亂城樓多燬而  
清朝以後次第修葺盡復旧規云

### 禁中宮室

制尽襲明朝之旧而但題板以漢清書分填寫之而  
已其中巍然而向明即午門鍾鼓在焉西曰左掖門  
東曰右掖門三門上二層彩閣即俗稱五鳳樓也太  
和殿在午門之內即皇明時皇極殿而其後又中極  
殿建極殿三大殿之中有建清宮濬金圓頂其左右



又有平臺煖閣又其後則為坤寧殿此其正殿之大  
略而其圍宮等垣者名曰紫金城其城凡二重內城  
設八門而城外羅置廛舖三十六所外城設六門而  
其城外亦置廛舖七十二所百官百隸之出入禁中  
者其朝夕供具酒食凡百皆取辦於舖中不若我國  
之食盤酒壺雜遘隨行者其亦簡便矣午門外第二  
南門曰端門外有大石橋東通太液之池水西注玉  
河而橋之北陞二玉獅子橋之南立二瓊玉柱即擎天柱  
其刻鏤之工極其精細第三門曰承天門與正陽門  
相對儼然



都城形勝

蓋自遼瀋以西除却撫寧縣一帶山脉則茫々廣原下

接溟渤此所以燕都以東大抵皆野而太行山第八支

北走東馳為西山為天壽山皇明諸陵所在處也居庸關在其北

為真峰口山海關後峯為盤巫閣窮於遼野之頭燕都即

在拉天壽山之間而都城内則無一崗阜所謂萬歲

山亦迭山也金時運土於塞北運石環都城內外而

有三派水一派則源出西山名曰垂虹泉即金章宗

築宮避暑處瀦而為翠帟湖以在禁城內一名西湖引湖而下

為暢春苑別康恩及為圓明苑雍正及到都城之北為



北海子灌入都城為太液池又入禁中南注玉河橋  
東出東渠門至張家灣即通州漕莊所湊處也始入海口北即  
燕都中央之河而園亭樓臺皆臨水精點而水廣處  
則築橋而涉之水淺處則設閘而蓄之桔槔相續帆  
檣交接都中勝視多在於此其一瓜則源出西山之  
後流而為桑乾河今則名曰芦溝金昌明中建此橋  
為燕都八景之蓄其餘流為南海子即元之飛放伯而距  
京城不滿二十里其廣近百里獠以周墻中■有三  
十六橋蓄禽獸植蓮芡即燕中大苑囿大波澤而  
千戶居其內每皇席觀獐即以千天合圍云自海子



通積水潭流入天津衛此卽燕都之西河也一孤則  
源出北塞丹花嶺合居庸關以南諸水為潞河環通  
州城東北而南流過大光樓下合玉河而同入張家  
灣此卽燕都之東河也若按此山河燕都形勢略可  
知矣

都城內外城及宮闕橋梁

由東安門入紫金城此是都城内城也城中廛房民  
居調壘沿宮城濠邊向西而去宮城上五標樓縹緲  
燦爛城外濠邊作衛兵留藏之所而長廊與城俱長  
由萬壽山後麓至白塔寺是雍正新造而瑰奇特立



制樣巧妙下有寺崇飾奇巧且其勢乃城中地最高  
處故非但俯瞰一城之內禁中宮室森羅且眼前五  
鳳樓太和中後和諸殿及別院金榭之斜欄曲堦  
萬一宏麗奇壯太液池湖左右周遮闊大池過五龍  
亭麗移無比龍舟繫在湖邊空閣滿城閣舍內外門  
堦呈露濤峙誠是天下壯觀不可殫述又揆西作行  
由積翠玉輦金盤等朽登兌兒山山上有兌月樓恠  
石羅列罔是皇明時自南京運來之物云云前有旋  
馬金築石累層高可丈十而縈回馳馬直至上頭以  
為遨遊之所云云



天壇地冊曰冊先農廟

天壇周四約近十里緯以垣牆中為大祀殿其東西  
四冊以祀日月星辰大祀門外東西又列二十冊以  
祀歷代帝王天下神祇而冊之階砌欄竿皆用琉璃  
牆後彩閣特起上奉天帝及五星為版而皆以金寫  
之地冊在於天冊之西周四六里以祀太歲風雷雲  
雨海濱蓋天冊地冊在於永定門之內日冊在於朝  
陽門外月冊在於西直門外四冊環拱於國都三面  
規模儼然而又有先農廟下皆藉田一垣之中半則  
殿宇半則農圃而糞車糖雞隱然有田野之趣皇帝



每歲心親耕於此以示效農之意云

### 國子監

國子監在於都城東北隅安定門內坊曰崇教街曰成賢門之內為大成殿殿之西有彝倫堂堂左右有繩愆博士二廳寧性修道誠心正意崇志廣業六堂而曲簿廳附焉蓋左廟右學規制大備戟門東西有石鼓十枚傳以為周宣王之獵碣此燕中第一古蹟也戟門之左櫺星門內松杉挺立肅爽即許魯齋衡所封植云其左右碑刻列植蓋自皇明洪武以後榜目也正殿內安大聖位版文宣榜額之左又以清書



書之四聖十一哲左右設桌覆褥而紗籠曇花殆近  
供佛以棕欄皮結席布地左右廡各十九楹階下左  
右二層碑閣三重對峙最上有皇朝永樂之碑庭中  
者杉古樹森立可拱必內門又有左右行閣而前後  
左右元明清所立制科石碑累累列立至中門內周  
宣王之石鼓十枚列植於門之東而其體圓高如覆  
鼎所刻篆文雖有字畫之可辨而頽缺不可讀末豈  
二鼓駢亦破碎矣尚有紀蹟小碑而長不滿尺許字  
蹟古奇刻音艱晦雖不可讀摩挲撫慨令人起敬又  
內外牆邊列植老松數十株乃元許魯齋衡所種云



鄧將軍廟

鄧佐皇明為避將而死後多有灵驗立高太和門之  
左自康熙時每歲正朝雖未及拜太廟先往此廟云

圓明苑

在皇城西三十里出自西直門歷五塔萬壽寺前駐  
湛潭頭船塢引西行十餘里過暢春苑則朱貝羅絡  
雜植花木因推過行數里即圓明苑是皇明時舊  
址而雍正皇帝親為別館者今外門廣庭列閣重門  
石隣已極宏暢拘於門禁退出門外挨東踏出阜行



數馬塲則一道清流曲曲縈迴多少樓臺基置左右  
亂盤峭石以供奇觀吊橋通水行閣作道丘陵一轉  
再轉而步上奇巧池水東引西派而處一灣行石門  
虹榜咫尺相續此蓋玉泉發源之水而引為圓明池  
金之玩目又流出諸王貴人作為花園者設席於所  
謂金杯亭久坐玩賞清流潄口循陔杏花灼灼吐蕊  
誠是坐埃中有著洒絕坐而態由阜城門取路而回  
此蓋皇帝遊幸之道云

出使行園見錄

### 萬壽寺

在於皇城外十里許而十里之間彩閣為一百十三



所以或有長閣或有圓閣或有六面者或有八面者  
或有兩層者或有三層者或覆以絳瓦碧瓦或覆以  
朱瓦黃瓦處以彩橋相連如長虹千萬奇巧不可勝  
記自萬壽寺至圓明苑數十里間奇巧樓臺又未知  
其為幾許所兩指內帑銀二十餘萬兩不過五六月  
之間營建云乾隆庚午年所營建云

### 天主堂

卽西洋國人新創之館而審極奇巧人皆尖鼻碧如  
髮毛屈盤大抵是一種別般人物也其去中國絕  
遠水路為九萬餘里旱路為六萬餘里回國接壤



而亦有君長文武被髮圓冠綢袖長衣是其俗也○  
館在正陽門之近處館卽所謂天主堂也館內住者  
卽西之洋人其國曰歐巴羅在於西海之中宋以前不  
與中國相通皇明以後有利瑪竇湯若望二人後  
先出來其俗奇工而最精於天文其學以天為主非  
僧非道自為一法而其書則有天學案義等冊其西  
法絕異禡施綵繪而樓金城屋皆出稜角人形物像  
悉若飛動遠以望之認以為真迫而摸之然後始覺  
為西自皇明神宗朝廷留西洋人給廩食職而始建  
天主堂至今不絕中國亦多傳其業者



簡儀臺

在於城東南隅其上有渾天儀鍍銅鑄就盤拱成架  
上安銅球以象天躔又有丘衡及量天尺以測日影  
長短其制作極其奇巧卽元朝邵緯楚村之所製也  
文丞相廟

在大興縣育賢坊文廟之側而祀屋額廣平脩埃在  
滿壁榻上設塑像衣冠紅袍長髯美容儼然可敬門  
楣上書萬古綱常四字意緒自為之悲沮

中州微卒法

凡微卒之法一丁之資裝糧、鐸皆自官備給各賜



副馬一匹且以四十兩白銀為其家累資生之需俾  
絕妻孥之念蓋清祖之始拔遼也漢人歸附者之子  
孫號稱九金条其視遇之親過於滿洲凡遼人送入  
甲軍者非滿洲卽元金条也而一家之內一人為軍  
軍則盡沒其家皆以年二十以上始充籍若四十則  
卽許頗免百手軍兵之衆赴戰地而凡一軍出征必  
以其父子兄弟中一丁更充其代皆爭願屬唯恐或  
後此所謂父子兵也古所謂券兵千日用在一日者  
因當如是矣

措紳簿內外官及各省州縣總目



內外大小官僚大都一萬一千三百餘員二京十六  
行省一百七十一郡二百二十四州一千一百九十  
八縣

官階品級頂服俸祿

正一品太師太傅太保大學士從一品少師少傅太  
子太師太子太傅太子太保各部院尚書都察院左  
都御史右都御史加總督誥授光祿祿祿大夫妻封一品  
夫人封贈三代誥命四軸朝帽起花金頂上銜紅宝  
中嵌東珠一顆帶用金方玉版回瓦中嵌紅寶石仙鶴  
補服平時帽頂用珊瑚坐褥冬用狼皮夏用全紅褐



視禮俸銀一百八十兩京官俸米一百八十斛蟒袍  
通身通身九蟒四爪不俱顏色三品以上皆同  
正二品太子少傅太子少師太子少保各省總督部  
院左右侍郎誥授資故大夫妻封夫人封贈二代誥  
命三軸朝帽起花金頂上銜珊瑚中嵌小紅寶石帶  
用起花金圈版四片中嵌紅寶石錦雞補服平時用  
起花珊瑚帽頂坐褥冬用權皮夏用紅褐鑲黃褐視  
紅禮俸銀一百五十兩京官俸米一百五十斛從二  
品內閣學士翰林院掌院學士各省巡撫布政使司  
布政使誥授通奉大夫妻封大夫封贈二代誥命三

軸朝帽頂帶補服坐褥同正二品

正三品都察院左副都御史宗人府府丞通政使

司通政使大理寺卿詹事府詹事太常寺卿順天府

府尹奉天府府尹按察使司按察使誥授通議大夫

妻封淑人封贈二代誥命三軸朝帽起花金頂上銜藍寶

石半嵌小红寶石帶用起花金圓版四片孔雀補服

平時帽頂用藍寶石及藍色明琉璃坐褥各用貉皮

夏用青褐鑲紅襯紅氍毹銀一百三十兩京官俸米一

百三十斛三品以上有職掌大臣許穿貂皮朝衣此外

不得濫用泛三品光祿寺卿太僕寺卿監運司運使誥授



中議大夫妻封淑人封贈二代誥命三軸朝帽頂帶  
補服坐褥同正三品  
正四品通政司副使大理寺少卿詹事府少詹事太  
常寺少卿會同四譯館少卿太僕寺少卿鴻臚寺卿  
順天府府丞奉天府二丞各省守巡道誥授中憲大  
夫妻封恭人封贈一代誥命二軸朝帽起花金頂上  
銜青金石中嵌小藍寶石帶用起花金圈版四片雲  
雁補服平時帽頂用青金石及藍色涅琉璃坐褥冬  
用野羊皮夏用青袍襯紅氍毹五品以上掛朝珠騎馬  
拴錫腦輪唇科道不在此例俸銀一百五兩京官俸

米一百五斛蟒袍八蟒四凡木杓顏色以上皆同從四  
品國子監祭酒內閣侍讀學士翰林院侍讀學士侍  
講學士監運司運司各府知府誥授朝散大夫妻封  
恭人封贈一代誥命二軸朝帽頂帶補服坐褥同正  
四品

正五品左右春坊庶子宗人府理事官通政司叅議  
光祿寺少卿六科掌印給事中給事中各部院郎中  
順天治中奉天治中欽天監正太醫院使各府  
同知各直隸州知州誥授奉政大夫妻封宜人封贈  
一代誥命二軸朝帽起花金頂上銜水晶中嵌小藍



寶石帶用素金圓四版凡銀鑲邊白鵬補服平時朝  
帽用水晶及白色明琉璃坐褥冬用青羊皮夏用藍  
布觀白<sub>禮</sub>五品以上文官命婦及翰詹科道均得掛  
朝珠俸銀八十兩京布俸米八十斛會典內闕載五  
品以上除翰詹科道外不許穿蟒霞粧緞貂皮如上  
賜併王目勒賞~~恤~~者准其服用從五品翰林院侍讀  
侍講司經句洗馬宗人府副理寺官鴻臚寺少卿  
各道察監御史各部院員外郎各州知州鹽運司運  
副鹽課司提舉誥授奉直大夫妻封宜人封贈一代  
誥命二軸朝帽頂帶補服坐褥同正五品



正六品內閣侍讀左右春坊中允國子監司業各部  
院主事宗人府主事經歷都察院經歷都事理藩院  
主事大理寺左右寺丞太常寺丞太醫院院判欽天  
監之副五官正京府通判兵馬寺指揮京縣知縣神  
樂觀提點各府通判敕授承德郎妻封安人封縣一  
代敕命二軸朝帽起花金頂上銜碑礪中嵌水晶帶  
用玳瑁圓版四片銀鑲邊鷄鵒補服平時帽頂用碎  
礪及白色涅玻璃坐褥冬用黑羊皮夏用醬色布襯  
白毡俸銀六十兩京官俸米六十斛從六品左右春  
坊贊善翰林院修撰一甲第一進士授光祿寺署正滿五官



正布政司經歷理問監運使運判直隸州州同州同  
僧錄司闡教道錄司演法敕授儒林郎吏員出身者  
宣德郎妻封安人封贈一代敕命二軸朝帽頂帶補  
服坐褥同正六品

正七品翰林院編修

一甲第二三名進士除  
授三甲進士敕館補授大理寺

評事太常寺博士典簿國子監丞內閣典籍通政

司經歷各部院寺司庫各院部七品筆貼式太僕寺

主簿京府教授四氏學教授兵馬司副指揮京縣

丞七品朝鮮通事太醫院御醫通政司知事按察司

經歷各縣知縣各部衛學教授敕授文林郎吏員出



身者宣德郎妻封孺人封贈一代勅命二軸朝帽起  
花金頂中嵌小水晶帶用小銀圓版四片鷄鵲補服  
平時帽頂用素金頂坐褥用鹿皮夏用灰色布襯  
白毡新蟒袍通五蟒四爪不拘顏色八九品未入流  
皆同俸銀四十五兩京官未俸四十五斛從七品翰  
林院檢討三甲進士庶吉士中書科中書內閣中書詹  
事府主簿光祿寺典簿署丞國子監博士助教奎儀  
衛經歷太常寺祀祭署奉祀欽天監靈臺郎布政司  
都事直隸州州判州判鹽運司經歷順天奉天二府  
經歷勅授微仕郎妻封孺人封贈一代勅命二軸朝



帽頂帶補服坐褥同正七品

正八品翰林院五經博士國子監學正學錄理藩院  
知事欽天監保正章主簿太常寺協律郎各部院八  
品筆貼式八品朝鮮通事布政寺庫大使按察司知  
事各部經歷各縣丞監課司大使批驗大使運庫  
大使各州學正各縣教諭僧錄司攝道德錄司至靈  
各部院司務勅授修職郎八品九品准其馳封父母  
朝帽起花金頂帶用明犀角圈版四片銀鑲邊鶴鷄  
補服平時帽頂用起花金頂坐褥冬用狍皮夏用土  
布襯白氈俸銀四十兩京官俸米四十斛從八品翰



林院典簿國子監典簿鴻臚寺主簿欽天監挈壺正  
太常寺祀丞神樂觀知觀布政司照磨鹽運司知事  
各部州縣衛訓導儒錄司免儀道義司至義勅授修  
職佐郎朝帽頂帶補服坐褥同正八品

正九品祀部太常寺讀祝官贊禮郎會同館大使欽  
天監五官監候五官司書太醫院吏目按察使照磨  
各府知事茶馬大使各縣主簿勅授登仕郎從九品  
翰林院待詔詹事府錄事國子監典籍四譯館正教  
序班鴻臚寺序班鳴贊製造庫司匠刑部司獄太常  
寺樂司欽天監博士五官司晨按察司檢校司獄府



照磨府司獄倉大使稅大使道庫大使宣課司大使  
都稅司大使各州吏目巡檢土司副巡檢僧綱司都  
綱道紀司道紀府陰陽正術府醫學正科勅授登仕  
佐郎翰林院孔目各部院無頂帶筆貼式各部烏林  
大鑄印局木使崇文門副使兵馬司吏目各部檢校  
長官司吏目府庫大使州縣稅課大使茶引批驗大  
使州庫大使河伯所官各縣典史各關官驛丞道  
州縣倉官州陰陽典術縣醫學訓科僧綱司副都綱  
僧正僧會道紀司副都紀道正道會九品官及未入  
流朝帽起花金頂帶用烏角圓版四片銀鑲邊燕雀

補服束入流黃鸛補服平時帽頂用起花金頂坐褥  
冬用獺皮夏亦用土布襯白氈俸銀三十三兩一錢  
一分四厘京官俸米三十斛

新壯元朝帽起花金頂上銜水晶帶用玳瑁圈版四  
汙銀鑲邊鷄鵒補服

新進士朝帽鍍金荷花九葉頂不穿補服受職後更  
換頂帶補服

在部院學習行走生監照用八品筆貼式帽頂  
凡九品之讀祝贊禮鳴贊序班俱用八品金頂  
進士舉人貢生俱用金頂



生員監生俱用銀頂

在京都察院衙門在外按察司衙門等官不論品級俱穿緋旁補服朝服披用粧緞蟒緞文官額俱蟒袍金彩織繡各從其便不論品級

各省額中舉人名數

直隸二百九十名九江上江四十五名南下江六十九名江西九十

四名福建八十五名湖北四十八名南四十五名河南七十一名

山東六十九名山西六十名陝西六十一名四川六

十名廣東七十二名廣西四十五名雲南五十四名

貴州四十名

十九省總目

京師盛京浙江福建江蘇山東安徽江西河南湖北  
廣東湖南山西廣西陝西貴州四川丹肅雲南

京師閑權

崇門文稅務額徵稅銀十萬二千四百八十兩零貨  
物徑由芦溝橋及進各城門皆權稅張家口抽分額  
稅銀一萬兩零穀虛口抽分額稅銀一萬九百十九  
兩零

天下課稅大略



滿漢爵秩內開載內外官職而十六省州縣之下者  
以每年稅銀漕米白糧定額縣之蓋天下之丁漕地  
賦商征鹽課並入其中其賦民之制有二焉其曰丁  
額銀者民自十八歲限六十為丁其輸銀則各隨其  
土俗之豐儉多不過五錢六分小不下二錢二分其  
曰地畝凡一畝之長為二百四十步而其所收亦有  
田地山塲蕩五等之殊水田曰田一畝收米四升銀  
五分四厘焉旱田曰地其二畝當田之一畝焉種茶  
苧桑麻之地曰山其三畝當田之一畝焉房屋園囿  
之地曰塲四畝當田之一畝焉汙澤種菱蓮養魚鼈

之所曰蕩其五畝當田之一畝各隨其土品之高下  
所賦稍有增減而其法大率如是其通漕處則水田  
收白糧旱田收小米其不能通漕處則皆折銀以輸  
而皆係於各府各邑之下一開卷而瞭然其他鹽茶  
魚筍之科皇庄之收礦稅之入皆有定額以天下歲  
入亦皆總於一府此乃清朝制財之法也是以天下  
財利之權都歸於公而不歸於私所收雖少而所積  
愈多況且上下飲食之需吉凶喪葬之具皆從薄略  
無或屑越宜乎人民之富殷

外國



國朝自講和以後年貢外謝恩奏請等行俱有方物  
數目而清朝亦有回送物件此則昭載通文館志中  
至如歲价渡江以後至北京亦受粮饌賞賜下至負  
譯及泛人數目俱載會典而賞賜物種一一備載茲  
則不錄而卽今清乾之統一區宇比前代過之略書  
間見間事案以廣奉使在外者之眼目云爾

### 本國

使行入北京後在前則住接於玉河館今為蒙人所  
居故移寓於玉河橋傍南館為名處而若值兩行則  
又有西館使之安頓而例有間五日供饋粮饌些許

等物自入去日至回程日每五日供饋而年貢行則  
四十日留館有事之行則三十日留館事定限然彼  
中若有事故未及舉行發回文書則易致遲滯不拘  
元限日子

外夷

外夷若蒙古西獐西洋琉球安南緬甸大小金川苗  
蠻奎灣等屬之國俱各貢獻或有三五年十年一  
次進貢之國而厚性薄來者非綏懷之道而至於蒙  
人則清人亦羈縻霞屬云西獐之種落則有四十八  
部羅列於長城外東北西三面其大鼻獐子亦極獐



子無耳朶王青台吉萬台吉果誰為雄而其降叛常  
常云或云黃占吉青台吉非種類也即蒙人之官名  
也太極大鼻無耳朶皆國名○大鼻獐子國在中國  
西邊族北之地而西距西域為二萬里東距蒙古不  
甚遠距中國為六十日程與清人約為兄弟之國云○蒙古  
有館在於東直門外今在會同館以幕為家而幕隨  
多少連張城外堆置案上橐駝數百頭閑放於溪邊  
而其人則廣觀深目突鼻黧黑個個廝猛寒苦室庐飢  
殍鹽醢而清漢人擯而不與故凡於商販往來之時  
不敢入接於站舍只逐水草圍車放馳夜宿晝行其

留館者皆聚居於此處云其中大鼻獐子一部卽鄂羅  
斯也最爲獐子與皇帝抗禮不肯屈服皇帝亦亦不  
早卡之與之羈縻不絕以其土產虎豹之皮駝馬之  
屬琉璃鏡等物來換布帛茶穀於中國而由遵化州  
出八路達婦女必欲劔脅故中國多令甲軍守護每  
獐子一人定以甲軍四人又屏婦女不使之見獐子  
一種來留玉河觀中設寺塔以爲久據之計中國不  
爲迫出故別修僧同館以待我使云蓋蒙人一種又  
有喃嘛僧其衣冠服飾皆用黃色頂垂百八念珠雜  
用寶貝皇帝內外寺觀皆以此僧爲住持稱之曰皇



僧雖禁中出入亦能跨殊可駭然亦不之禁○安南  
國一曰南掌國在於南方四萬里之外皇明嘉靖後  
初來貢象而其使臣散頭髮着班巾狀如我國戰中  
後垂紅帶衣服一着綢龍長衣一着青色有紋長衣  
無帶面皂制樣如老婆渾目無髻似是史丹所載之  
南詔也雍正年間鄧爾恭取服歲貢五象云○大金  
川在於南蠻不毛之地卽古之苗民而馬援諸葛亮  
之所征處也其地則山川絕險關隘甚多其俗則專  
以殺伐爲事百端狙詐安沒無常過譽數起云○苗  
蠻在大金川南駟川省外在前則羈縻而已乾隆年間



討平而輒復侵撓邊境終不能服其心云○金灣澎湖  
在福建之南海中金灣又在其南其中周四殆近千里水路  
極其險密皇明末鄭芝龍之後孫鄭錦割據累年作  
梗及錦死澎湖金灣始服屬於清朝而其人狃不肯  
剃髮島中自立長史清朝若有差送則拒而不受時  
節唯以土產奉貢納稅而年前澎湖民人等結群作亂擄  
掠廈門廈門即通日本長磯島而大小琉球國殺鎮守  
之武將逃入臺灣此是南激民心難合之大抗故朝廷  
每選將練兵為慮金灣云蓋金灣以海程論之距我  
國雖似絕遠若自福建緣岸轉帆過江浙到登萊真可



謂千里一瞬

出雍正年間  
使行司見錄

○緬甸卽蜀漢時孟獲之

後裔也年前以其侵掠邊郡發兵征討六年之後拿  
致其酋長於京師而旋即許歸本土矣乾隆五十三  
年緬甸三十人來朝京師姓皆孟也皇帝時幸熱河  
內官領到熱河所着衣服只是黑周衣掩体而已更  
無袴子亦無靴襪兩脚塗漆跣足而行廷臣相訐以  
此只樣近御至尊事涉屑越製給襪袴靴子則不耐  
其襯體脫而投之故屢次問諭使之穿着入見於皇  
帝皇帝醜其為人卽命退出仍賜若干賞物不日還  
送云前年秋其酋長孟順遣頭目等二十六人到京進

貢八隻象一座金塔紅藍寶石等物○生番卽島夷  
之別名而在於極南海洋與中國絕遠而羈縻於全  
灣者也乾隆丁酉林象文之敗亡也逃命於生番生  
番人誘而擒之納于大軍皇帝嘉其功勞使之來朝  
而言語不通故令臺灣之稍解其語者領付京師  
其數為四十四名別無君長只有頭目四人而面貌  
皆如小兒又無鬚髯剪斷頭髮纔覆衣領或於額上  
口下點作卦樣其性生魚秦椒慣於水上如履平地  
云而其頭目四人賜六品階其餘各賜九品階製給  
帽靴衣服腦箍使叅於正朝班末而保和殿紫光閣



正大光明殿則不許叅宴只令使觀光於山高水長  
閣三次燈烟火戲仍令回歸○巴勒布即西邊番  
子而在於西藏之西乃荒服之外也巴人詣西藏市  
易藏人多鄙薄之巴人恨之率衆來侵皇帝令西藏  
將軍討之巴酋卽降而不戰仍請通貢將軍許之乾隆  
五十三年遣其頭目二十人泛番三十名入貢其人  
深目卷鬚紅布纏頭狀與極怪皇帝以其化外之  
人優待之官給衣袴帽靴頭目二人賜四品頂帶從  
三十名賜七品頂帶使之叅宴○琉球暹羅蘇祿安  
南等旣按期入貢若與國使行之到京者相值則其

叅班等節序居各國之上

附錄

滿漢人待遇懸殊

自康熙雍正兩時滿漢角立已久康熙時待滿漢如一每飭以同寅協恭故滿漢不敢露其形跡而乾隆以來待遇滿漢顯有彼此之殊內而閣老尚書外而督撫布按滿官專為用事漢官只是充位而已故滿漢之讎源轉甚而近年以來滿漢之中又各分裂云故得見塘報則皇太后周甲頒赦後滿漢之在官者各加一級滿官則毋論已到任未到任書許加級漢



官則未到任者不許加級以此觀之待滿漢之懸殊

亦可推知

發祥在紀

清朝在紀縣紀沙漠窮北之地  
肇起時事乾隆丙午陳行別單

其錄曰長白山高二百餘里綿亘二千餘里山之上

有潭曰闔門周八十里一日有天女三人下浴潭畔

長曰恩古倫次曰正古倫季曰佛古倫忽有神鵲啣

墜朱果季女拾而吞之浴罷整衣便覺身重不能飛

昇二姊謂之曰汝已有娠此係天命俟晚下長卷始

可歸矣遂升入雲中佛古倫不得已入巖穴靜處彌

月果生一男大耳廣額屹狀如成人甫過十歲壯大

異常天女得一小艇母子俱載沿至三姓界河邊置  
兒于岸謂之曰汝姓愛新覺羅汝君布庫哩雍順言  
訖飄然飛昇三姓爭長不決兒端坐叩問其故傳相  
以為神迺立為三姓之長是為清朝之始祖而追尊  
為肇祖原皇帝

蒙古接待

在西北絕域距燕京為一萬四千餘里地苦寒不生  
五穀酪漿充飢渴四時著皮衣以瓊命為家性本獐  
悍每以侵掠為事自康熙時乍降乍叛故遣戍卒守  
其界口界口凡有三十二處每口相去或數百里清



朝之待之羈縻之而已初非畏義服事者也故親之  
以婚姻寵之以官爵以爲苟安無事然其桀黠狡猾  
之性未嘗改也寧遠廣寧之間有地名小凌河即直  
路宿站而蒙人出入之要經也旧有大店人物繁殖  
數十年來蒙人結倘投宿偷擄婦女牲畜前後無數  
而莫可禁遏置而不問故一村撤移今餘舊地自是  
蒙人之來往者各處村店不許居停故載釜野縣  
車露宿此非爲清朝心腹之患我國貢路自瀋陽以  
西夾右醫巫閭山八百餘里山外皆是蒙古地方遠  
者不過百里近者或爲數十里他日使行往還之時

時山沒剽竊不無深憂

皇城附近地御築成石橋

皇城九門外皆以熟石築成御路廣可三間高為二尺或五里而止或十里而止其最長者西曰西直門抵圓明苑三十里

文武官品階懸殊

清朝文武官品階懸殊文官自正一品至從九品共為十八階武官自從一品至正七品而止蓋自設法之初遵行至今矣乾隆乙巳皇朝通志修改之時皇帝諭以旺家用人文武無間干城捍衛之策不輕於



經幄謨猷之任何必於官階稍存崇卑顯示異同始  
命武官品階一依文官例更為定式添載會典

文武官廩米俸銀有罪停受

文武在官者月給廩米又有俸銀隨品多寡至于末  
官而有罪牧俸則並停米銀矣乙巳春皇帝教以為  
朝官事育之資專靠於廩米俸銀而一朝並停則過  
活無路其勢必至於貸用官貨公受私賄自歸於罪  
上添罪之科其所以養廉之方自今為始收俸之  
法且停俸銀廩米則依例頒給云

出乾隆乙巳  
使臣聞見錄

殿最

殿最之規三年一考而內則吏兵部若主文武官開  
列名單書其能名謂之京察外則若省撫督巡撫亦  
公文武官據績褒貶報于兩銓謂之大計因時進奏  
稟旨黜陟

京營兵每朔料米

京營兵每朔之料米為四十八萬斛南外元貢米外  
調庫貢銀質漕南方米以給而自江南運致通州之  
費計每斛為八兩銀而兵丁亦受此料米計置一朔  
以糧餘剩則亦賣於民間大率四十八萬斛內流也



於民間者為十分之七而每斛發賣之所為二兩銀  
矣皇子一人進言曰國家費八兩銀價給兵丁之料而  
兵丁除其口糧之外亦賣布屨之價每斛不過二兩云  
此後則兵丁亦賣之來自官以銀償給則南方一斛  
八兩之費可而漕米亦且減矣在兵丁固無所損  
在國家亦有所得矣皇帝深納其言欵下旨竟之際  
大孝士劉壻諫曰京師兵士窮民之朝夕所賴者惟  
是兵丁之料米餘剩之賣買而今若自朝家以銀代  
給減其米斛則閭巷之間糧道塞之矣國家雖減一  
斛八兩之費民心騷然恐有漫散之慮也皇帝茲

怒於漫散之言此退劉墉逐書宮門外不許系轎亦  
不許騎馬使之徒步歸家展數日皇帝遣侍臣持召  
劉墉溫言諭之曰卿之前言是矣予未及察遂寢南  
方減漕之議朝野莫不稱頌

### 科制

五年一次而文用二百三十人武用一百六十人文  
以三場武以二場文終場用步射武終場講五經中  
一經此是文武兼用之意而文第一第二第三則吏  
部侍郎率入陞殿簪花武則第一只簪簪花文第四  
以下皆為進士出身



貢路中間泥濘處

自一板二道井至小黑山地勢污下水多新世以此  
春夏雨潦之時則路泥不通中間始等開制水自冷  
井以後皆是曠遠之野不見一點培塿之在其間故  
北望醫王岡山一帶蒼翠橫亘馬首令人目眩然  
南見海上白霧浮鎖海岸如銀海混洋亦為奇現

沿路藏兵處

旧遼東旧廣寧俱藏兵若干沙河所有城多在中後  
所及寧遠城也兵不過二百夫一百而并設兩衙門  
分治旗民而城池一併廢棄不加修葺東関亦有城

無兵而只有驛撥云

正朝賀禮節次

初一日三更提督來開門使之赴朝參則四更初具  
黑袍帽帶並與一行員澤等赴闕自東安門東挾騎  
馬入去至五鳳楼下東廡挾門下馬步入坐於左廡  
下等待數三時辰傳言皇帝自午門駕出禮部當迎  
候云云則使臣以下一齊出立於左廡其駕出之  
時只見燈檠擺列於午門之前而外庭則一時減火  
庭除煢煢之中前騎若干先出次見小屋淡黃鶴出  
來而轎前後則羊膠煇一隻此是皇帝所乘而後有



一班官僚一時馳出只聞馬蹄之聲鳴鞭、響而已  
東方欲明時有強伏若于擺列於路右皇帝自端門  
還入而強伏遮路不能下見日去後通官來言皇帝  
方行祀於太后宮使臣當行跪叩之礼於午門前云  
故與冬至使一者進去則五鳳樓二層閣十二楹欄  
立峙於午門上而倚左右掖門上雉有十樓左右翼  
城頭各設層樓且先行  
圖接層於五鳳樓金瓏照  
輝門下多設黃輪輦車左右立五象具鞍而狀負猊  
署高可二丈象長垂地而勢如長蛇而白牙長且目  
尾似牛脚如楮足無蹄甲突固也宦傳道行三拜去

中頭禮退出少憩又使人來候一齊自午門右掖門  
入去後見太液門聳立門上管泥西棟一北午門之  
制而每壕通水之制刻石成橋之狀奇狀難形左右  
門閑森羅在前矣由壕橋入貞度門此是太和門之  
右小門也望見太和殿是二層彩閣十二楹三層石  
欄重重複複陞之左右上下分兩行並香炉十四個  
黃涼傘五雙陞之下撒扇十雙黃旗三十雙朱衣儀  
仗軍卒約四五百名分立兩行而左右上下行閑廣  
庭制度宏傑朱碧煥爛不可盡記俄而鳴鞭連響銑  
鈴喧喧遙見殿陛上諸王貝勒等以動出入之狀而



並無傳詔喧動之節上有臚唱之聲庭僚一時行三拜  
九叩頭之禮禮畢通官引使臣入去向太和殿並行拜  
叩儀禮畢後退出

獐子通中國路程及域內廣狹種類分辨

其國實在中國西邊推北地西距西城為二萬里東  
距蒙古不甚遠路由玉門關下葭文河云云而與清  
朝約為兄弟之國而使臣六人六年交替守館似是  
交質之意而服色與諸人一般而只頗龐大自言其  
吐幅負大於中旺有城池君臣之制云未知此何種  
族而因其言而料度似是古之吐蕃耶錯兩築室崇

奉天主神而四角壁右並掛神像皆西洋之西而朱  
彩頗爛燁奇巧矣

皇城內恒留軍兵

城中禁兵十萬恒留皆清人而親王二人掌之漢兵  
五萬清兵十五萬恒留而都統數人掌之

播紳案內陳職法式大略

天下府縣分定衝繁疲難及要缺簡劇蓋以要衝繁  
劇疲殘難治及緊閑窠為分等而緊窠則不待京省  
差遣直自各該督撫隨其人才保奏移補而或又以  
該省中經生進權署勾當政蹟顯著報吏部陞準或



帶領引見陞授至於閑窠則選歸部銓選而拂曰月  
分銓選云云蓋以每以選遣故有此號云京中各部  
主事郎中之屬亦於各其本部准限陞準後保奏而  
已亦無閑窠差除之親大官除拜皆出皇帝播告施  
行而吏部題奏有曰外省調補之員遷徙慮定民情  
未悉在部候選之官經年無缺多至壅滯云云蓋差  
除之權不專在吏部而分任各省則宜其有此扣之  
弊而其間徇私固迂之習亦其必至之勢爾

### 皇子封爵

康熙親子或止封郡王或止封貝勒封爵不同以此

觀之雖皇子亦無依例進封之視而新皇兄與弟先  
死者上年十百始進封親王則雍正生時之無封爵

可知

出雍正乙卯  
使行聞見錄

西直門外寺塔樓觀

自紫金西城地安門由後文橋約行七八里北見鍾  
閣二層上懸皮鼓投西而北此是都城之西門也門  
内外分市肆民居稍稀疎出城河溝水流多火寺刹  
樓觀隱約眼中水自玉泉山發源築堤引入至城廣  
深可容小船兩岸楊柳夾立非但水流之清徹遠迤  
引通之而久可知大費勞力矣沿溪行七八里至五



塔寺寺初於皇明成化九年而疊石築基爲十二層  
四面各層填鑄小金佛像不啻千百億矣金後有佛  
殿層閣二重至前層閣三重鍾樓双峙行閣左右羅  
列並極麗侈至換東別宇則又有蕭洒靜潔之趣紗  
錦塗客僧衆居焉出門行三四里至萬壽寺亦初自  
皇明而碑上年號磨去之不知年紀之在何也由正  
門而入居僧引入行茶傳言專爲觀光遠來你可而  
導云則應諾隨後而身穿大袖緇衣頭穿黑方便冠  
大與城中諸寺所住僧不同過一法堂及左右行閣  
歷黃庭轉入則中有二層高樓由梯緣登周覽遠近



極目爽潤樓左右行園亦甚璀璨下樓步入則奇巖  
恍石簇立成壑盆石作池以通水道鑿穴穿絡以通  
人行矣因踏斑石細路轉後深入則又有佛殿及行  
閣高門比前而尤侈換西迤進後有大佛殿上書  
母圓二字結構之瓌特金碧之玲瓏歷跡寺觀之所  
無左右繚以彩閣十分巧密庭中列植古松十四株  
左右對立高可數百丈而木幹色白有紋恰似白錦  
斑紋令無鹿皮松子乳落前後左右大小佛居不可  
盡計又換西出行閣西壁門而入歷見四處梵堂或  
以青紗籠佛或以朱牌書佛高在石可書述還渡濠



橋行數馬場至昌運宮道觀此亦創于皇明而初因  
張永之為墓護寺賜名灵運宮清朝江作今名頗不  
修葺院宇与佛寺一般而寺齋道士頸着黑巾樣似  
漆行冠或似戰巾身穿緇衣制如道袍連袖古松幹  
白如傳粉比萬壽之松亦又異常

山雍正乙卯陳慰  
進香使使行聞見錄

入燕亭後進礼部演礼及光祿寺祭宴節次

使副使以下具冠服詣礼部由左門而入少憩于廊  
下通官引三使至廳上北向而立俄而侍郎出來立于桌  
子之北三使進跪桌前上副使奉表咨櫃子置于桌  
上三使起立礼部堂上舉手使譯傳語傳相見礼又

復還入其月至之西以木架懸鉄板名曰雲板以其形  
之象雲也擊板而奮則為坐衙擊板而散則為罷衙  
云退出轉向鴻臚寺叅宴訖三使率貧澤列立中庭  
之北其中門之內有八面閣覆以菱瓦贊官呼唱通  
官傳語行三拜九叩頭之禮還退悌

### 領賞

領賞之日未明開門日未出時以領賞入闕少憩廊  
舍遲久有總理大官自內出立於午門之前通官引  
使臣東向立少頃進至午門前列立三拜九叩頭後  
仍為退立則賞賜等物依例頒給物種數交出領宴



謝恩並依例為之

係頭牌

如我國之粉板書啓以行節制凡下為之頭係身紅  
凡有緊急公幹即書此直啓云

告示

自使行入館後館內外貼告示榜不許禁物貿提  
督通守等自來身護糾察名之曰衙門而需索多端

發回

使事畢後一行上下人馬俱各治任難發卜物亦雇  
車並發回宿通州有護送通官甲軍等屬

總論

憶自越鴨江以後抵燕京之程途踰過三千有餘里  
往還冷滿數四月矣道非不遠日非不久蓄目所觀無  
非大都人物財用之盛傾耳所聽皆是彼國政令制度  
之事則真不無觀之之機而顧以孤陋寡聞之智驟視  
風氣習俗之異所見駭於目所聞拂於心固無以揣量  
裁度而且所歷親不過中原之一隅所遇亦不出賈豎  
之流知則誤令費力叩問既不足為憑信之資而矧  
又語言不通酬酢未詳踰店投宿率多擾忙之歎京  
館留歇尤有禁令之嚴或憑漢報或憑譯口然浪



傳灰半至於山川形便之勢已不免前人之芻狗市  
肆樓觀之勝不足為視國之宗蹟而若以天下之大  
勢彼國之氣像論之不足一二可言

其俗輕飲食一鍾羊糒足支半日之行一匙秣飯優  
為全家之食所歷序舍未有印鼎盤皿之排列沿路  
行子不見行橐糧具之累擔灰者去不必而炊而取吃  
塵房行者或不待三殮而兼程數日其生養之簡率  
行止之輕便可知矣此之我俗一人兼數灶之食而  
不廢三時百里齎一力之任而必尋每站若繁簡迥  
異豐約懸殊其於水旱凶年之備行師用兵之費



則利害較然

其國薄賦徭一畝田賦不過斗升之粟一夫身役元  
無鎗銖之納計遠近而遠益勞分旗民而旗尤輕民  
之於國是然中國兵之於國資活以繫府縣無催徵  
之煩兵民少愁嘆之聲其立法之簡易取民之輕約  
可知而其於保民制虐之道臨民待民之方效害自別  
○旗有八名曰黃旗曰鑲黃旗曰紅旗曰鑲紅旗曰白  
旗曰鑲白旗曰藍旗曰正藍旗此即圓明苑八旗兵  
而若此之前代則漢之南北軍唐之府兵宋之十六  
衛是也



其法重旗下上自皇親下至士民男子生分隸一旗  
軍籍仕籍皆表其旗月給糧銀日習弓馬其武力之  
全尚仗藝之必精可知矣比之我國冒餘閑散之漏  
免尸籍遊食寔繁黃口流丐之虛充軍案而臨急無  
用者得失何居哉我法軍之制既如此則其儲蓄  
兵敵之邪果知其不誣矣

其制簡易即天子出入但有馬蹄之響大臣跪叩只  
傳腰唱之聲人各持席了無喧聒雜遝風一齊拜起  
未有差池先後之弊比之我國十朝會者日下人之  
喧譁擁入而呵禁不得方十官負之顛倒失次而



任便自 者大相不同雖是儀文之小節而亦不無  
優劣之可言者矣

其風強馳騁十歲之兒能馳駿多一鞭之下能馳十  
馬鞭所指衆馬齋趨而來有踉蹌搖逸之習吃草  
飲水唯意疾馳而了無疲憊顛蹶之憂此之我國騎  
也執鞭而鮮制悍然特不臨時而頻連仆頃者大相  
不同雖因胎習之殊而強弱之異勢亦有可見矣凡  
此五事大是其國難處之長技則宜其咸定一時之  
強中國而善又此之於蒙健之酷似幕展控弦馳突  
則其胎習之繁簡兵力強弱可知矣



夫清朝之安危係於遼瀋之得失遼瀋之得失又係  
於蒙人之事蓋遼瀋者清朝之咽喉蒙人在北虜之  
最強也以最強之虜壓咽喉之地而錦州廣寧之路  
既不遠百里薊州一路又直通關內盤桓遼山一帶  
之外多他陰塞今雖服以一朝猖獗截斷關路則遼  
瀋以外多有世國之有也是故自康熙時每以爲保慮  
托以遼東頻往蒙國以爲結撫交結之道嫁女娶  
婦要小永妥和好之資雖以天下之重康熙之力未嘗  
爲威服永安之計則其治守之道不可以已和而有  
所疎且矣今乃以設長柵以爲防捍及脩禦之策



而已別無巨鎮重兵之設為防捍備禦之策而申前  
中法扣處雖有數百防守之卒而軍弱不足恃  
夫清朝之主中國出於一時之棄便而不自知其非  
子孫為在之計其所以為一朝有變自可投鞭歸  
去膏無顧惜久安之志故山海關外許多前朝之城  
池臺壘一任廢棄百年之間金石修泯賊虜星極  
目相望只於瀋陽寧古塔多積貨財以為他日依歸  
之所而已第念瀋陽城既處平野無依傍險阻之勢  
而西距山海關遠距十數日程北距烏喇又隔千  
餘里之闊關外城壘蕩然無得共同蒙古人或獨或



叛將核據則閉門不與烏喇絕遠內外無此群援石  
及蕞爾孤城雖有重兵積貨亦無所恃而徒資敵國  
當此之時欲歸故土而道路阻絕矣目前已築三城  
廣加修繕據石年已設之壘壘為防守一以為固分  
保障之重一以為東北捍禦之所則固可謂陰雨之  
長策而雖一朝運去之後猶可為依歸不援之資矣  
今乃計不如此徒以輸財犒貨為他日自逸之圖未  
知為萬全之計也  
夫情人之所恃者命要在武力逐水草而不重飲食  
雖衣服所以便騎射乃其本習而今則久據中華飽

飫菊卷庶強之氣已盡銷鑪審法之習漸之滋長王  
公第宅金玉璀璨庶人被服貂緞爛熳外泛裘褐之  
制內有倚紕之習甚至於夫指長爪無復騎射之舊  
樣曲臺花園爭事遊衍之細娛倘靡浮華上下成俗  
元魏蒙元之末繁可見矣

夫通財行貨固是有國之常法殖利取贏亦云民俗  
之通規而見令滿漢天下之民役々奔走者只一利  
字廛房市肆殆徧曲巷商車賈馬迭接細路甚至於  
有皇帝廛房諸王廛房各自出銀牟利取息而卽今  
王客之一年與販之數多至三十萬兩云至於廛房



場市之間官人之尚書侍郎雜錯出入躬行買賣習  
以爲常恬不爲恥是以沿路秀才文房之設不過規  
義陋叩其中則不卞魚魯宿玷居民之序未見有弓  
矢兵燹之留置者其不留意文或之具以上下所務  
之專在貨利溢可推知矣

夫清朝有天子之號至中國之民唯當一視滿漢無  
有區別而自其立國之初先分彼此之限主客已辨  
奴虜備至法莫大於殺入而滿殺漢民五億其一種  
賦役皆有差等見今滿人多富遠漢人多愁苦道上  
流丐揔是漢民大勢所歷生死唯倚於此而乖於一

視宇內之道矣

夫各部之內滿漢二人分治事務滿人主錢穀甲兵  
漢人唯簿書期會爵秩雖同主客懸殊以兵民言之  
則滿人悉隸旗下漢人舉為民戶漢人之願屬旗下  
者雖以綵旗兵而凡千徭役兵輕民重田畝之稅兵  
賦粟而民或賦以銀調賑之政兵則遍及而民必抄  
付以此滿漢兵民之間腴瘠判鼻怨恨交加且國中  
之人非仕宦則行商販農民益病近日常來經用又  
多徭於商稅逆屢隨肆征權甚繁故商賈亦未免失  
利云



夫大小朝會百官各有限隨而坐殿時並皆屏去雖  
掖隸胥史之屬亦各一人在遶東西品班亦有侍衛  
及押班宦列之齊整寂然無譁一時行礼少不錯雜  
駕行時羽衛至少浩導極難而行路之上唯聞蹄響  
街巷之間絕無聚觀其規模紀綱此可以推知一端  
而但尊卑貴賤名分不明雖崇品高宦混列於胥隸  
之中甚至摩肩接袂而不以為怪或當面揖或傾相  
身與語全沒上下伸屈且內庭頒勅時大臣躬自傳  
授奉于黃亭似合敬謹之體而及出闕門尚書侍郎  
馳馬過少無威儀



附安南國王阮光平謝恩奏文

新封安南國王阮光平謹奏為暴謝聖恩敬陳下悃  
仰祈睿鑒事臣安南五服之外屏也自前代丁氏啓  
宇內屬受封從此世代相因迭膺封爵之命然而地  
僻桂郊天遠楓陛因以化外外之宋王所賜黎王桓  
之書元明所徵陳王烜之詔十年信史事尤可徵大  
抵秋肅之意多春溫之澤少祗以函封請命姑賜回  
容固未有恩施稠疊珍珠偕玉諭而寵頒宸翰輝煌  
御書並勅書而榮錫如臣今日大皇帝之隆恩與臣先  
平此番之遭遇者也臣廣南之田舍子甬天造草昧



于黎強臣搆亂淪胥以敗交南無主臣韋為同志所  
推闕請命雖有恪恭一念之誠而未得展出入三  
觀之敬臣所遣親任阮光顯賫進表頓之表身未及  
闕而恩賜已施臣嗣遣家臣黃道秀獻上謝恩表文  
方當候命在闕而寵綸施隆臣伏讀前綏勅書聖詔  
諄諄以頓天而行播諸渥諭聖人之心即天也栽培  
傾覆大都頓其自然造化生機儘于貞下勉元默出  
繼于手車之殊天子將賜臣為歛其合璧明珠旋繞  
北辰而綿延不三象也御賜之詩諄切以守封疆  
傳子孫為訓而且勉之以飲久道凜持盈尤欲其兢

業持守祇承天以長守南服之侯度也夫春秋之  
義大一統聖天子一視同仁併包偏覆恩澤所加聲  
教所暨即胥蓬艾咸在蓋容亭育之中顧臣寡  
昧膺此榮光由本國黎陳以上迄于貉龍建國之初  
初見而廣聞何以答高厚始生之萬一臣自聞封旨  
即由乂安起程感激歡欣懇願早承恩命適勞頓感  
寒旧病復作伏念臣謬膺封爵即為南服藩屏若不  
自愛其身病勢增劇是在臣家國為小而負大皇  
帝如天之恩負罪並重用敢稟明請治另改宣封日  
期焦急呻吟中感念無量天恩稟為至緩極渥浹渾  
渾



隨風頓除于十月十五日敬謹頒受御詩勅書從  
此司牧南交臣世之子孫恪遵聖訓永奉大清臣以  
西山布衣榮膺封號自問無可報答惟于明年三月  
上旬起身赴京瞻仰天顏恭祝大皇帝八旬萬壽並  
得日聆<sup>諭</sup>訓稍收治之本遵奉施行俾舉國臣度  
蒙 宗臣之大願望也臣仰感隆恩俯摠表素謹奉  
遴選家臣阮宏匡宋名朗黎梁慎等堂進謝恩表文  
並謝儀款闕奉進再奉查照向例今年正值臣國歲  
貢之期任土之礼不敢稽曠謹奉遣家臣陳登大阮  
止信阮傑等將貢儀一併恭進至闕伏望聖恩曲垂

矜慈唯賜臣所遣行价勞名恭詣闕庭瞻覲並將謝  
儀貢儀上進庶得恪守舊章永覃新澤無鈇共矧之  
職不墜屏翰之修臣下情以任瞻天仰聖欲切願望  
之至云

### 謝恩表

伏以太和陳合乾施昭德德之正中致治流行普錫  
仰洪恩之傳博隆瞻遠逮素悃之瞻高欽惟大皇帝陞  
下豈弟為綱中和作則敬止緝熙穆之久道而天下化成  
欽明文思安安惇德而靈夷平服北極辰居其所南溟源  
不自揚聖心懷綏附懷來雨露繼風霆而潤澤天道申載




培傾覆山陵因開谷而推移蓋洪句陶鑄之至公斯皇  
德訓彝之無憑尺札千行天詔賜臣以藉寵靈而資  
鎮撫風行黠倖之去一章八句宸翰勉臣以謹持身而  
保封疆日朗光明之燭恩若降而榮同梅驛德著宣  
而慶溢桂郊臣敢不祗奉聖謨恪遵候度天顏咫尺  
期明年身新鳳輿之句韶地面十三願奕世承執象  
方之玉帛臣下情無任瞻天仰聖不勝激切感寤之  
至謹奉表稱謝以聞云云而所進恭謝儀物金子二  
十鎰銀子一百鎰土絹一百疋羅紩一百疋象牙三  
對該重二百斤

貢表

伏以願中允執衣裳咸仰于堯明惟正之借玉帛虛  
修于夏貢擗頭見日叩首焚香欽惟大皇帝陛下福  
德聖人綱常宗主壽考為紀為紀出乎震貝乎禹謨  
于允勞乎坎範圍在久之美成言行是訓是彝漸于  
東被于西暨于朔訖于南規矩祗先之德化蓋亭育  
丕恢于聖度而寂數仰于天心輸款曲軫微衷不  
忍限暄和于銅柱作屏寵頒新命遂獲登櫬陋于寶  
書誠泰山滄海之難量豈勺水消塵之能報臣仰蒙  
淘造劇切戴親深球恪展微儀正忭九千里海山之




初達冠帶願偕盛會謹祝億萬年日月之長輝臣下  
情無任瞻天仰聖不勝激切翹望之至謹奉表上進  
云云而所進歲貢儀物金香爐花瓶四部該重二百  
九兩折金子二十一錠銀盆二十二口該重六百九  
十一兩折銀子六十九錠沉香八百二十二兩連香  
一千九十五兩







































燕行備要  
單

慶麟



